

Morning Dogri (NSD) National News Bulletin 17-06-2025

आकाशवाणी

- प्रधानमंत्री नरेन्द्र मोदी होर अज्ज संजा कनाडा च जी-7 शिखर सम्मेलन च शामिल होंगन।
- सरकार मुख्य भरै दे बक्ख-बक्ख हिस्से खास करियै जनजातियें दी आबादी आले पिछड़े इलाकें च दो जहार ड्राइविंग ट्रेनिंग स्कूल खोलग।
- एफएटीएफ नै पहलगाम आतंकी हमले दी निंदेया कीती ऐ। आखेआ ऐ जे एह हमला बिजन कुसै माली मदाद दे नेई होई सकदा ऐ।
- अमरीकी राष्ट्रपति डोनाल्ड ट्रंप होरें ईरान-इजराइल बश्कार बनी दी तनोतनी गी दिखदे होई हर कुसै गी तेहरान थमां निकली जाने दी अपील कीती ऐ।
- एफआईएच हॉकी प्रो लीग च भारतीय महिला टीम लंदन च अज्ज ते कल अर्जेन्टीना कन्नै मकाबला खेडोग।

<><><><><><>

PM G-7

प्रधानमंत्री नरेन्द्र मोदी होर अज्ज संजा कनाडा च जी-7 शिखर सम्मेलन च शामिल होंगन। मोदी होर लगातार 6मीं बारी जी-7 शिखर सम्मेलन च शामिल होंआ करदे न। कनाडा दे प्रधानमंत्री मॉर्क कार्नी हुंदे साददे पर कनाडा दे दऊं रोजा दौरे पर गेदे श्री मोदी होर शिखर सम्मेलन कोला बक्खरे केई सारी दपक्खी बैठकां बी लांगन। प्रधानमंत्री मोदी होर महत्वै आली कुल संसारी मुद्दे पर अंतराष्ट्रीय संगठनें दे प्रमुखें, जी-7 मुख्यें ते होर सददे गेदे मुख्यें दे लीडरें कन्नै बचार सांझे करगन।

<><><><><><>

India-Cyprus

भारत ते साइप्रस नै सब्बने चाल्ली दे आतंकवाद ते कट्टरवाद दी निंदेया कीती ऐ। दौनें मुख्यें अमन शांति ते स्थिरता गी कमजोर करने आले हाइब्रिड खतरें दा मकाबला करने लेई अपने सांझे धेइयै दी तस्दीक कीती ऐ।

दौनें मुख्यें सब्बने राश्ट्रें गी होरने मुख्यें दी संप्रभुता दा मान सम्मान करने लेई आखेआ ते आतंकवाद लेई पैहे देने आले नेटवर्क गी खत्म करने, सुरक्षत पनाहगारें गी खत्म करने, आतंकवाद मुत्तलक बुनियादी ढांचे गी तबाह करने ते आतंकवाद दे अपराधिणं गी तौले न्याह दे कटघरे च आनने दा आह्वान कीता। प्रधानमंत्री मोदी ते साइप्रस दे राष्ट्रपति निकोस हुंदे कन्नै निकोसिया च लग्गी दी डैलीगेशन सतह् दी गल्लबात मगरा जारी कीती गेदी इे सांझी घोषणाएं च दौनें मुख्यें बन्ने पारा औने आले आतंकवाद कन्नै निबड़ने लेई इक व्यापक तालमेल आले ते टिकाऊ नजरियै दी जरूरत पर जोर पाया।

<><><><><><>

Driving Schools

सरकारै मुख्य दे बक्ख—बक्ख हिस्सें च गड़िडएं दी सिखलाई आले 2 जहार ड्राइविंग स्कूल खोलने दा फैसला लैता ऐ। नमीं दिल्ली च इक कार्यक्रम च केन्द्रीय शिड़क, यातायात ते राश्ट्रीय जरनैली शिड़कें सरबंधी मंत्री नितिन गडकरी होरें आखेआ जे सिखलाई स्कूल मुख्य दे पिछड़े दे ते जनजातीय क्षेत्रें च खोले जांगन ते एह्दे कन्नै युवाएं आस्तै रोजगार दे मौके पैदा होंगन।

<><><><><><>

FATF

दुनिया भरै च काले धन जां पैहे दे गैर कनूनी लैन देन पर तक्क रखने सरबंधी संगठन एफएटीएफ नै पहलगाम आतंकी हमले दी एह् आखदे होई सख्त निंदेया कीती ऐ जे इस चाल्ली दी वारदात गी माली समर्थन दे बगैर अंजाम नेई दित्ता जाई सकदा। संगठन दा आखना ऐ जे इस चाल्ली दे हमले आतंकवादिणं ते उंदे समर्थकें बश्कार तालमेल ते पैहे दे लैन देन दे मुमकिन होई गै नेई सकदे। एफएटीएफ दे इस ब्यान गी भारत दे साब्वै काफी अहम मन्नेआ जा'रदा ऐ। एफएटीएफ नै जोर देइयै आखेआ जे 200 कोला मते देशें दे नेटवर्क राणं ओ आतंकवाद लेई रपेया पैहा उपलब्ध कराने आले खलाफ सख्त गैई पुट्टा'रदा ऐ। एफएटीएफ नै अग्गे आखेआ जे ओ तौले गै आतंकवाद गी रपे—पैहा उपलब्ध कराने आले बारे इक विश्लेषण जारी करोग।

<><><><><><>

Nagaland ODOP

केन्द्रीय राज्य मंत्री डॉ. जितेन्द्र सिंह होरें नागालैंड च इक जिला इक उत्पाद ओडीओपी पैहल वोखा जिले च केले दी खेती कन्नै औंदन पैदा करने सरबंधी विशे पर 5एं ब'रे सरबंधी दृष्टिकोण पत्र जारी कीता ऐ। एहदा मकसद करसानें दी औंदन गी बद्धोबद्ध ते मकामी आजीविका दे तौर पर केले दी खेती गी प्रोत्साहन देना ऐ। इस मौके पर डॉ. सिंह होरें आखेआ जे पिछले दहाके च नागालैंड ते पूर्वोत्तर क्षेत्र दी बड़ी मती प्रगति होई ऐ।

<><><><><><>

US-Prez.

टमरीका दे राष्ट्रपति डोनाल्ड ट्रंप होरें ईरान-इजराइल बश्कार बने दे तनाजे गी दिखदे होई तेहरान गी तुरत छोड़ी देने दी अपील कीती ऐ। उआं अमरीकी राष्ट्रपति होरें एहदे बारे मती जानकारी नेई दित्ती ऐ। ईरान दी राजधानी च तकरीबन 10 मिलियन लोक रौहदे न। ट्रंप होरें ट्थ सोशल पर लिखेआ जे ईरान कोल परमाणु थेआर नेई होई सकदे। व्हाइट हाउस दे अधिकारिण आखेआ ऐ जे राष्ट्रपति ट्रंप होरें तेहरान गी तुरत खाली करने दी अपील कीती ऐ ते आखेआ जे ईरान गी तुरत कूटनीतिक गल्लबात करने दी जरूरत ऐ। व्हाइट हाउस नै घोशणा कीती ऐ जे अमरीकी राष्ट्रपति होर इजराइल-ईरान बश्कार लड़ाई दे चलदे कनाडा च होआ करदे जी-7 शिखर सम्मेलन दे दौरे पर तौले वापस आई जांगन। तोआई संयुक्त राष्ट्र परमाणु निगरानें दे प्रमुख नै ईरान च यूरोनियम दे सब्बने कोला बड्डे ठकाने गी बड़ा मता नुक्सान होने दी तस्दीक कीती ऐ।

<><><><><><>

Iran-IRIB

इस्लामिक गणराज्य ईरान दे राष्ट्रीय प्रसारक आईआरआईबी पर इजराइल दी फौज नै हमला कीता ऐ। इजराइली अधिकारिण इसी ईरान आस्सेआ इजराइल दे बुनियादी ढांचे पर कीते गेदे हमले दी जवाबी कारवाई करार दित्ता ऐ। आईआरआईबी पर कीते गेदे हमलें कन्नै दौनें पास्सेआ सिविल ढांचे गी नशाना बनाए जाने दा पता लगदा ऐ। ईरान नै संगारे इजराइल दे तेल अवीव ते हायफा शैहर पर मिसाइल हमले कीते हे।

इस हमले च घरे गी नशाना बनाया गेआ हा ते सिविल नागरिक मारे गे हे। इजराइल नै ईरान दी सरकारी मालकी आली मीडिया कंपनिएं मुत्तलक ईमारत पर हमले कीते। आईआरआईबी टैलीविजन पर लाइव प्रसारण दरान हमला कीता गेआ।

<><><><><><>

IMD

मौसम मैह्कमें ने वीरवारें तगर कर्नाटक, कोंकण ते गोवा च ते 2 थमां 3 दिनें तोड़ी केरल, तमिलनाडू, पुदुचेरी, कराइकल, महाराष्ट्र, ओडिशा, छत्तीसगढ़, झारखंड, उत्तराखंड ते पूर्वोत्तर राज्ये दे नेका हिस्से च तेज बरखा होने दी संभावना जताई ऐ। विभाग नै दिल्ली-एनसीआर सनें हरियाणा, पंजाब ते उत्तर प्रदेश च शुक्रवारें तगर हल्की थमां दरम्याने दर्जे दी बरखा होने दी संभावना जताई ऐ।

<><><><><><>

FIH

लंदन च एफआईएच हॉकी प्रो लीग च भारत दी महिला टीम अज्ज ते कल अर्जेन्टीना दी टीम कन्नै खेडोग। जबरदस्त मकाबले च आस्ट्रेलिया थमां हारने मगरा भारत हुन अर्जेन्टीना कन्नै शानदार प्रदर्शन करियै जित्त हासल कना चाहग। भारत इसलै 9 अंक कन्नै 7तीं थाहर पर ऐ ते अर्जेन्टीना कन्नै जबरदस्त मकाबले दी मेद ऐ। अर्जेन्टीना अंक तालिका च दूई थाहर पर ऐ।

<><><><><><>